

Комсомолонь ВАЙГЯЛЬ

ЛИСЕНЬДИ ПИ-це КИЗОСЬ

Мокиэрзянь ВЛКСМ-нь
обкомть и Саранскаень
горкомть газетасна

Адрессь: г. Саранск, ул. Ленина 9
Телефон № 1-72.

9

ФЕВРАЛЬСТА
1936 КИЗОНЯ
16 (262) №

Лисеньди кобги 12-ксть



Парти ть и правительствать руководителензон и Бурят-Монголиянь АССР-ть знатнай ломанензон мархта васедемась Кремляса.
Снимкаса: Сталин ялгати кандсь цветокт Моркисева Ангельсинась.

Фотось „Кисловть“ (Союзфото)

С'ЕЗДТА ИНГОЛЬДЕНЬ ТРИБУНА

Ленинскый комсомольсь эсь Х-це с'ездонцы сашенды кода передовой советскый одломанень мошнай общественно-политическый организация.

Минь поколениянькя тонафни коммунистат, активнайста участвует сембе тюремать эса, конань вятсазь портиясь, рабочай классь. Улемс ударнай группакс, конац ба сембе вастса и ялан няфнелезе эсь инициативанц, эсь починонц, — ты ленинскый заветть комсомольсь ванфцы кода эсь сельмонзон, и пшкочнесы кода непреложнай закон. Вов мезенкса теенза максф почетнай права улемс социализмать инкса тюремать любой участвовать лангса толонь васеньце линиять лангса, улемс васеньце и инь вернай помощникоск ся партияти, конань пуроптозь и касфтозь Ленинц и Сталинц, конац тиезе Великай пролетарскый революциять.

Минь революцияньконь разнай этапонзон лангса, обстановкаты и условиятень полафтомаснон лангс ваномок полафневсть и полафневхть союзть организационнай форманза и работамань методонза. Комсомольть виеш в частности и ацисань эса, што сон тиеньцыне сонцень работань форманзон и методонзон эрь историческый этапть лангса политическый — задачатень уровеньонзон ксряс. Ленинскый партиясь тонафнесы комсомольть аф пелемс сталмонень эзда, тонафнесы комсомольть аф пелезь лифнемс лангу и критиковандам афсатыкснень, самостоятельна ванондомс и решандакшнемс эсь внутренняй эряфонь кизефкснень и тянь лангса воспитандакшнемс комсомолецнень, анокламс синь разносторонняй государственнай деятельности.

Большевистскый самокритикась и кели внутрисоюзнай демократиясь — вов важнейшай орудиятне, конатнен мархта комсомольсь неизменнонайста пользовандай эсь деятельностьнь форманзон и методонзон цебарьгофтомаснон инкса. Аф пелезь критиковадамась, „не взирая на лица“ критиковандамась, лезды лифнемс лангу минь афса-

тыксонконь, арьсемс синь машф-томаснонды кит, перестраивандакшнемс задачатень сложнай годомаснон шовор. Кели внутрисоюзнай демократиясь, лиякс азомс союзть сембе эряфонь кизефксонзон ванондома комсомольскый массатень таргамасна, организациять работас массатень таргамасна, комсомольскый руководящай оргаттень и башка эрь руководителть выборностьсна и подотчетностьсна — комсомольть важнейшай организационнай принципоз.

Тяни, мзярда комсомольсь йотафни перевыборхт эсь руководящай органонзонды, самокритикась и внутрисоюзнай демократиясь моляфневхть од вийса. Отчетно-перевыборнай собраниятень, конференциятень и с'ездтнень эса внутрисоюзнай эряфонь кизефксне арьсекшневхть, кочксевхть сяда келиста и полнайста. Мольфневи активнай, пристрастной проверка сяньди, мезьсь оправдандазе эсь прянь, мезьсь соответствует минь развитияньконь тяниень поласанцы и сяньди, мезьсь сиредьсь и йордаф эряфть мархта.

Пяк оцю активностьсь, конань мархта пуромкснень и конференциятень эса ванондовхть комсомольскый комитеттень от есна и союзть практической работань кизефксонза, няфнесы комсомолецнень политическый и культурнай уровеньонзон, руководства и синь запроснон и требованиснон вельф оцю касоманц. Кода организовандамс од стахановецнень техническый тонафнемаснон, низовой активити лезксть, стирьнятень и од аватнень йоткса работать, школать, марксистско ленинскый учება, комсомольскый активонь кудтень, военно-физкультурнай работась — тяфтап кизефксне, конатнень кепсесазь комсомолецне, активисттне пуромкснень и конференциятень эса.

Тяни „Комсомольскый правдась“ ушелкшнесы союзть работань дискусионнай кизефксонзон обсуждениянон.

Соответствозандай ли союзть тяниень условиянзонды и задачанзонды велень комсомольть территории-

альной и производственной колхознай организациява явошнума? Кода должеет работамс и кодама организацияса ащемс МТС-нь трактористтне и аграномт е, конат йотнихть (кочуют) район онь различнай колхознень эзга? Должеет ли ащемс комсомолецне-учителькне и ученикне сяка жа фкя школьной комсомольскый организациятень эса марса? Кодамокс эряви улемс комсомольскый активистти, сонь культурно-политическый уровеньонцы? Вов кизефксонь васеньце сериясь, конац путф ваномс.

Тяфтама кизефкста пях лама. Тя йофси естественно, сяс мес минь йотама развитиянь од полосати. Одкс путфт одломанень и идень коммунистическый воспитаниянь задачась, производственной активности, одломаттень культурно-технической уровеньонзон касомань кизефксне, национальная областтнень и республикатнень эса, стирьнятень и од аватнень йоткса комсомольть работань кизефксонза. Кода минь лувондсась од ломанень фсякай группатнень уровеньонь и возрастонь коря настроениянон и кода пшкочкшнесась синь касф запроснон? Кашкава соответствозандайхть минь организационнай форманеке и работань метод-еке союзть современной задачанзонды, — сембе тя эряви лацкас и деловайста ваномс.

Минь с'ездта ингольдень трибунанькеньди эрявихть кеподемс нят кизефкснень, максомс с'ездти сяцебарть, ко ац пуроптф союзть аботань опытоц мархта.

С'ездта ингольдень трибунась тяфтажа внутрисоюзнай демократиянь фкя инь форма, лиякс азомс минь работаньконь кизефксонзон ванондомаса и решандамаса комсомольскый массатень оцю участиянь форма.

Минь надьятама, што союзонь четтне и васендикне комсомольскый активсь-группортне, комитетонь, райкомонь, крайкомонь секретарькне сембе активсь, сембе комсомольскый печатьсь, примайхть тя тевса оцю участия.

Максетяма тееньть вал, активист ялгат!

„Кавалериянь“ рейдти эряви руководства

Йотась пеле ков, кода ВЛКСМ-нь ЦК-сь лифтьсь решение стахановскый движенияй лезксоньпи „Легкай кавалериянь“ рейдонь организовандамать колга. Тя сроксь са-томшка, штоба йотафтомс эряфс-ня задачатнень рейдонь йотафто-маса, конатнень путозень предприя-тиянь комсомольскый первичнай организациятнень ланкс ВЛКСМ-нь ЦК-сь.

Саранскаень предприятиятнень эса комсомольскый организациятне-тяниень пиньгс тя кизефксть колга тийсь пях кржа. Пцтай косонга исть кярмодь тя рейдть практиче-скыйста йотафтоманцы.

Минь йотафтоме беседа кафта оцю предприятиянь комсомолонь комитетонь секретарькнень мархта: котониннай фабрикаса и консерв-най комбинатса. Консервной комби-натонь комсомолонь комитетть сек-ретарец Полянскыйсь корхтай:

— Рейд минь ниньге ашеме йо-тафне.

А кода моли рейдти анокламась? Полянскыйсь тя кизефксть ланкс изь отечав, сяс мес комсомолонь комитетсь аноклама работа аф йо-тафты, [нльне план апак тийхть рейдть йотафтоманц колга, апак кочкакть „Кавалериянь“ группат-ненди руководителкне.

Котониннай фабрикаса (комите-тонь секретарьсь Щетининц), тя пиньгс ашель организовандаф „Лег-кай кавалериянь“ группа. Январть 15-це шистонза комитетонь заседа-нияса поручандазь фкя членонди, Киреева Антонинати, организован-дамс „Легкай кавалериянь“ группа. Пшкочдф ли тя поручениясь, ко-митетсь тячиень шис ашеза сода.

Комсомольскый организациятне учихть, мзярда синь вярде тосяф-цазь, но Саранскаень горкомсь (секретарьсь Киселевсь), кода эря-ви тя кизефксти ашезь кярмодь. Горкомса корхтайхть, што яво-штфт ответственной ломатть райдть йотафтома эрь предприятияса; но мезе тиеньдихть ня „ответствен-найхне“, горкомсь сонць аф со-дасы.

Рейдть мархта эряви руководить, а руководствафтома тевсь аф туй. Лотксемс явоштф ломаттень ланкс, кода тийсь горкомсь, — тя значит аф пшкочдемс ВЛКСМ-нь ЦК-ть путфксонц.

П. Зорев.

Саранскайста — Куйбышеву лыжаса

МАССР-нь ЦИ-ть председате-лени Сурдин ялгати инициативанц вельде МАССР-нь ВСФК-сь кар-мась вятема усиленной тренировки Саранск ошень 15 лыжникнень мархта. Нат лыжникне аноклайхть замечательнай военизированной лыжной переходти противозагса Саранск — Куйбышев маршрутть эзга. Тренировка вяти инь цебарь лыжной мастерсь Михайлов ялгась.

С. С.



Ленинградса йотаффт СССР-са первенстванкса шахматно-шашечнай всесоюзнай школьной 2-це турнирь. Турнирса участвоудам Ленинграду састь Союзонь различнай республикатнень и областнень эзда 150 школьник.
Снимкаса: Налхкихт Западной областень командась (видикядь ширде кержи шири) Смоленской 11-це № образцовай школань ученикне: Гросман и Белячкова. Фотох Хайкинть (Союзфото.)

ЛИСЕМС ШКОЛАСТА ВПОЛНЕ ГРАМОТНАЙКС

Аф полнай средняй и средняй школань 7-це 10-це классонь сембе тонафникхеньди

Тонафни ялгат!

Минь правительстваньке, коммунистической партиясь и лична Сталин ялгась вешихть, штоба советской школатнень эзда нолявольхть вполне грамотнай ученик, конат ба улельхть способнайхть успешайста мольтемс инголь пали эсь образованиясон техникумга и высшай учебнай заведениява.

1935-це кизонь август ковста мон максонь указание сянь колга, што выпускной классонь тонафникне, конат испытаниятнень эса получихть калдяв оценка рузонь кяльса письменнай работатинкса, аф нолявихть сядя тов испытаниятненьди и кадондовихть повторительнай курсс. Тяни мон танга весть лятфтайне тянь колга школань директорхеньди и учительхеньди.

Гя мерась анаф сянь мархта, што тяда ингольден кизотнень минь аф полнай средняй и средняй школаньконь эзда сидеста нолявсть стама ученик, канат тиеньцть лама ошибкат письменнай работатнень эса.

Ламотнень тинь эздонт аф благополучна ащи тевоньте рузонь кяльть содамаса. Ламда аф сембе тонафникне кемоста содасазь грамматической правилатнень. Письменной работатнень эса васьфневихть лама орфографической ошибкат и ошибкат препинаниянь знакнень эса. Ламотне тинь эздонт устной речьса ноляихть аф правильной выраженият.

Школань директорхеньди и учительхеньди мон максонь указание, кода петемс рузонь кяльть эса тинь афсатыксоньтнень. Мон путонь синь лангозот обязанность организовадамс теенть дополнительнай занятият и сембе ширде лездомс теенть сянь инкса, штоба афоль уль необходимость применяндакшнемс стама мера, кода безграмотность инкса повторительнай курсс кадондомась.

Терьеиедизь тинь, штоба тинь кярмоделедя сембе эсь од энергиятнень мархта рузонь кяльса испытаниятненьди отличнайста анокламати.

Кажнайти тинь эздонт эряви путомс сембе виени, штоба лядькс кофнень эзда марнек петемс тя кизефксть коряс сембе аф сатыкснень. Прилежнайста и вдумчивайста занимадакшнеда урокнень эса. Эрь шиня явфнеда пинге рузонь кяльть ланкса кудса занимадамс, ванондоность омбонь крда грамматикань нят отделхнень, конатнень тинь аф кемоста содасасть. Тиеда стама порядок, штоба кудсонтт повфнемс эсь мархтонтт тийф табличкат нят грамматической правилатненьди и валхненьди, конатнень эса тинь сембеда сидеста нолягада ошибкат. В-якай эсь письменнай работаньтнень тиеньдесть внимательнайста, ванондоность (проверяндакшность) эрь валть. Сядя сидеста пользовадакшнеда орфографической словарь мархта.

Мон увереннаян, што 7-це и 10-це классонь сембе тонафникне честь мархта пашкодсазь эсь обязанностьсон.

Мон увереннаян, што комсомолце и пионерхне максыхть пример сембе ученикхеньди оцю грамотность нн са тюремаса.

Провещаниянь Народнай комиссарсь А. БУБНОВ.

1936-це кизонь февральть 3-це шиста

Получае благодарность

Саранск. Ня шитнень 1-це № школань тонафникне группась получасть призывникнень, командирхнень и политработникнень ширде ялгань благодарноть, учпунктса цебярь и организованнай выступлениеянкса.

1-це № школась тяфтама выступлениеят тиеньдесть аф весть, тя выступлениеясь няфтезе ученикнень культурностьсон, организованностьсон и дисциплинированностьсон.

Кие жа няфтезе эсь пранц тя са-

модеятельнай выступлениеят эса? Нят школаса инь цебярь ученикне Рочков Колясь, Лесняевась, Сорокина Лелясь и лиятне. Синь н-фнесть лама интереснай ном рхт, кштизь „Серьб-янкаль“, индейскай танецт, татарскай танецт, казачекть и ст. тов.

Шумовой оркесторсь моразе „Светит месяцть“, „Коробейникить“, „Полечкаль“ и лиятнень.

Призывникне выступлениеятнень эзда илядсть довольнайста.

Соколова Шура.

Касы комсомолецнень активностьсна

Рыбкинань районть эзга комсомольскай руководящай органтинень перевыборнай кампаниясна январьть 15-це шинь самс аделавсь. Перевыборхне йотаффт 40 комсомольскай организациява. Тяни ВЛКСМ-нь райкомсь йотафтозе 2-це районнай комсомольскай конференциять. Кодама сатфкс мархта сась тя конференцияти ВЛКСМ-нь райкомсь?

Политтонафнемась и культурно-массовой работась

Сембоц районца политтонафнемаса и общай образованияса фатяфт 403 ломатть. ВКП(б) ть историйнц тонафнема кружокта районца 5, кося тонафникхть сембоц 57 ломатть, политшколада (Карпинскаень „Беседы о Ленинизме“ учебниконц коряс тонафнида)—11, кося фатяфт—107 ломатть. Политшколада (Карпинскаень „Борьба за социализм“ учебниконц коряс тонафнида) организовадафт—17, кося тонафникхть 141 ломатть. Политшколада (Ингуловонь „Политбеседы“ учебниконц коряс тонафнида) организовадафт—1, кося тонафникхть 14 ломатть. Тяни районца организовадафт средняй образованиянь 4 вечерняй школат (Н.Толковска, Черемисса, В.Никольскайса, и „Красный партизан“ совхозса. Нят школатнень эса тонафникхть 52 комсомолецт и 54 аф союзнай одломатть.

Комсомолецнень кеподьсь интересна литературань лувомати, кепотьксоньди комсомолецне: Кубасов ялгась (С.Самаевка велеста) луйи Фадеевонь „Разгром“ произведенияц, „Чапаев“—Фурмановонь. Ермаков ялгась луйи М.Горькай ялгать „Мои университеты“ произведенияц. Старов ялгась луйи Шолоховонь „Поднятая целина“ ть и нинге лама комсомолецт, конат инголи исть лувокишне, тяни оцю мьяль мархта лувихть художественнай произведений.

Тяниень пингть районца работайхть регулярна и цебярьста 8 колхознай клубт и 12 морафтома кудт, заведующайкс синь эсост работайхть исключительно комсомолецт. Клубтнень и морафтома кудтнень эса организовадафт 9 драмкружокт, 6 хоровай и 4 музыкальной кружокт. Йотаффт сембоц самодеятельностьень 114 вечерхт. Сембода паяк ладе работайхть: Рахмановань (завсь Проворова ялгась), Б.—Азядскай (завсь Кутянинась) клубтне.

Минь стахановеценьке

Районца 17 стахановецт. Вов кепотьксоньди кой конатнень показательсна: Зубов ялгась комсомолец, тракторист „Кр. партизан“ совхозса. Пашкодсазь заданиянц 105 гать васс—317 гектархт. зеработандась 1935 кизоня 1500 ца ковайхть, ванфць горючайда—1500 кг.

Трифонов ялгась, комсомолец, тракторист МТС-са, пашкодсазь 362 гат заданиянц 290 гектархнень вастс.

Ширшенкова ялгась „Челюскинецнень“ лемса калхозонь свинарка, 1935 кизест 8 тувоста раштафць приплотда 126 пурьхцкат и сембонь ванфтозень живста.

ВЛКСМ-нь райкомть оцю аф сатыксоц тоса, што сон пцтай йофси изь вят стахановецнень йоткса кодамовок работа. Йотксост апац организовадак тонафнема, аныцек эздост колмотьне тонафникхть средняй образованиянь кружокса.

Пионерхнень и школьникнень йоткса работась

ВЛКСМ-нь райкомсь пионер ра-

ботань мархта руководстванц основас путнесь колма основной ширеть: а) работа пионерхнень и школьникнень мархта, б) руководства идень кудга, идьтнень воспитандамаснон лангса и в) работа безнадзорнай идьтнень мархта колхозса.

Тяниень пингть районца 1227 пионерхт. Сембе пионер отрядтне обеспечендафт вожатайса, сьормадфць 259 экземпляр газетас. Сембода цебярьста работай Черемисскай НСШ-нь пионер отрядсь (вожатайсь Поляков ялгась). Тя отрядса лапс работайхть, музыкальной, драматической кружокне и регулярнайста ноляви стенгазета.

Калдявста ащи тевсь идень кудга идьтнень воспитаниясон мархта. Сембоц идень кудса ашихть 62 воспитанникт, 4 воспитательхть, но работась моли планфтома, идьтненьди апац добувакт сатомшка игрушкат и лия пособият. Санитарнай состояниась тяфтажа калдяв.

Рыбкинань районца колхозонь эзга эряихть 69 идьт, конатнень аш алясна-тярясна. ВЛКСМ-нь районнай комитетсь сембонь сявонь учетс, ламоснон обследовандазень эрямань и тонафнемань условиясон Январьть 10-це шистонза сембе улельсь пуропфг Рыбкинав и теест улельсь тийф йолка. Райкомсь сатсь сянь, што тяни ламоцт колхозне, кода „Мокша“, „Од—ки“ и лиятне нят идьтнень цебярьгафтозь питаниясон, рамасть пальтат, валенцят и ст. тов. Но и тя кизефксонга улихть аф сатыкст, конатнень райкомсь инь маластонь пингть машфцыне.

Стирнятнень йоткса работась

Стирнятнень йоткса работась ушедсь пцгай ВЛКСМ-нь ЦК-ть XI-це пленумдонза и „стирнятнень и од аватнень йоткса работать колга“ решенияда меле.

Йотафневсть стирнянть и од авань районнай конференцият: Тонафнемака фатяфт стирнянтьне тяфта: ВКП(б) ть историйнц тонафнема 13 кружокса—14 стирнят, политечбаса (начальной политшколатнень эса)—39 ломатть, средняй образованинь илядень школатненьди якайхть 24 стирнят, ликпункту якайхть 890 ломатть, трактористонь курсса—8 стирнят, РКШ-са—7 стирнят.

Выдвинутайхть РИК-нь секретарькс 1 ломань, избачекс—2, 9 ковань пиньгста комсомолу примает 37 стирнят—инь цебярь уд-рничат. Тяниень пингть комсоргокс работайхть 7 стирнят. Организовадафт рукоделиянь 3 кружокт, кося фатяфт 76 стирнят. Эряви азомс, што стирнятнень йоткса воспитательнай работась ладаф ламода нинге аф сатомшка.

Организацият касомац

Организацияса 1936-це кизонь январьть 25-це шиньцты лувондов 427 ломатть. Комсомольскай организациясь 9 ковань пиньгста примась одс 169 ломатть. Отчетно перевыборнай пуромкса участвовандасть 92 процентс. Пренияса корхасть—297 ломатть.

Отчетно перевыборнай кампаниясь паяк лездс комсомолецнень активностьсон касфтоманц ы. Отчетно перевыборнай кампаниять пиньгста примает комсомолу 42 ломатть, организовадафт средняй образованиянь вечерняй школа и лама лият.

Рыбкинань ЕЛКСМ-нь райкомь максис вал, што комсомолть 10-це сездонц самс машфцыне сембе уликс аф сатыкснень.

А. Фенин.

7 МИЛЛИОТТ КАЗЬНЕТ

ВЛКСМ-нь 10-це с'ездть лемс

Саранск. 11-це № школань комсомолонь комитетть секретаренц Волков ялгать и старшай писнер вожатай Растегаев Колять инициативаснон мархта школаса комсомолонь 10-це с'ездть лемс организовандасть почетонь доска.

Тя доскась ни тийф и сонь эзон за с'ормадф инь цебарь ученикне, общественникне, отличникне.

Кие аф содасы 11-це № школа са Митейкина Юлять, сонь содасазь сембе ученик е, сембе преподавательне и учительне, кода от личницань, цебарь общественникань и кода цебарь ялгань. Юлять сембе отметканза отличнайхть. Сон аф а ьцек пяк цебарьста тонаф-и, но сон канды оцю общественной работа. Сон работай редакторкс марстонь школьной стенной газетаса. Юлясь и культурнайста йотаф нессы ваймама пиньгонц Сонь эршиня няйкак лыжаса, конькаса курьксема. Сон сидеста якай кинос, морфни лама художественной литература, газетат и стак тов. Юлять кудсонга ули ученической уженияц

Юлясь с'ормадф васеньцекссь почетонь доскати.

Вов Радаева Зоясь, сон тонафни 9-це класса. Сонь отметканза 14 отличнайхть и 1 хорошо, сон комсомолонь 10-це с'ездть самс машфты хорошо отметкати и вастозонза получандай отлично—тя кармай улема достойнай казньекс. Станя жа сон цебарь общественника. Сон с'ормадф почетнай доскати Родина Валяссь, комсомолка, 10-це классонь ученица. Сонь отметканза—14 отлично и 2 хорошот. Сон цебарь общественника. Работай пионервожатайкс, работасонзасать оцю сатфкт. Сон с'ормадф почетнай доскати.

Иванова Гаясь 4-це классонь ученица, тонафни аныцек на отлично.

Почетнай доскати эса спискас эршиня касы, эршиня ученикне сатнихть сатфкт. Тя доскати с'ормадф ни кемотть пионерхт, комсомол цт и ученикт.

Комсомолонь 10-це с'ездть самс, лиякс азомс маргть 1-це шинцы самс почетонь доскаса спискас касы кафксть.

Пара улель, кда-сембе школане организовандахть тяфтама доскат.

А. Дуйков.



Боткин Илюшась, (Слободань районца) Куйбышевть лемса колхозонь жуватань водямаса инь од стахановец. Стахановецень слеца сонь казесь карманнай частса.

Снимкась: Боткин Илюшась ванондсы получаф казньенц.

Фотось П. Ивановть.

Пионерской казньень выставка

Саранск. Лувомок харьковской пионерхнень с'ормаснон, 11-це № школань пионерхне фатязь почитить и вишкста кармасть комсомолонь 10-це с'ездти казньень аноклама.

Аноклайхть аэросанят, буер, 25 авиамодельхть, тьяконь лувксста 5 рекорднайхть, конат кармайхть лиеме 5 километрань кувалма.

С'ездть лемс сембе пионерской отрядтне йотафтыхть специальной, сборхт, аноклайхть художественнай альбомт, вишикат, фотоаппарат, радиоприемник, морхт, стихотвореният и стак тов. Маластонь шитнень эзда ули организовандаф выставка, коса няфтевихть пионерхнень казнье на.

Кульманский.

Пионерхне тийхть аэросанят

Саранск. 11-це № школаса пионерской фкя звена аноклай достойнай казнье комсомолонь 10-це с'ездти. тя—аэросанят.

Фкя пионер добува ь мотор 5 алашань вийса, конат и кармай улема аэросанятнень эса моторкс. Вишкста пионерхне, юнай техникне

кярьмодсть аэросанятнень анокла-мост. Тя ули аф модель, а настоящай аэросанят и кармай ускома 3 ломатть.

Комсомолонь 10-це с'ездть панжема шиня тя пионерской звенась кармай арнема эсь аэросанянц лангса.

Работать сязен-цазь Бурзинась и Евишкинць

Ковылкинань районца башка велетнень эзга калдывста ладяф работась пионерхнень йоткса. Вов Алькинань школаса пуроптфт 80 пионерхт, конатнень, йоткса кодамоек работа аф йотафневи. Вожатайсь Бурзинась йофсикс изь думсндакшне работама. А сонь ширьде-за комсомольской первичнай организациясь работа аф кизефни.

Аф тьяда цебарьста ащи тевсь од Пецерань пионеротрядсонга. Вожатайсь Евишкинць, станя жа мезевок аф тиенди.

Ня отрядтнень эса йофсикс аф йотафневихть сборхт, и аф вятеви кодамовок воспитательнай работа.

Полякин.

КЯРЬМОДЕМС ПРАКТИЧЕСКОЙ ТЕВТИ

Работась ащи фкя вастса

Рузаевка. Од—Усад велеса ули Усадонь комсомольской организация, коса тя пиньгс кодамовок работа аф йотафневи.

Одс кочкаф комсоргсь Давыдов работати йофсикс ашезь кярьмодьксне, а комсомолонь райкомсь

Усадонь комсомольской организациять шири афи варжакснесь.

Тя велеса ули цебарь клуб, но сонь эзонза кивок аф эряй, сяс мес тапсефть сембе вальманза.

Культурно-массовой работа кодамовок аф йотафневи. Ки.

Райкомсь ащи ширеса

Рыбкина. Самазляень первичнай комсомольской организацияса кода отчетно-перевыборнай кампанияда инголе, станя и тяниньгя кодамовок работа аф йотафневи. Комсомолец е учсть, што одс кочкаф комсоргсь Шанкинць тевть ладясы, но тя пиньгс тевсь ащи ингольцекс калдывста. Комсомольской пуромкст мзярдонга аф пуропневихть, по-

литтонафнема вестья ашель, стенгазета аф нолневи. Воспитательнай работа кодамовок аш аф аныцек аф союзнай од ломаттнень йоткса, но синьценъ комсомолецнень йотксостка.

Комсомолонь райкомсь организациять шири вестке изь варжаксне. Нл-не вестке изь сашенда фкявок представитель. В. Я.

Аш план—аш работавок

Шайгав. Теризморган-первичнай комсомол ской организациясь отчетно-перевыборнай кампанияда инголе работась калдывста. Но тяниньге тевсь ащи пятай сякокс. Кодамовок с д в и г а пак тийхть.

Одс кочкаф комсоргсь Киржаевсь тя пиньгс работай планфома, а кда аш план, эста и работаське

моли эсь отям:

Улихть комсомолецт, конат ламонь ков аф панихть членской взност, а комсоргсь нят комсомолецнень мархта кодамовок мерат ашезь прима. Комсомолецне афто нафнихть.

Велеса ули ликбезонь кружок, но сонь эзонза кивок аф якай.

Ильин.

Заявлениятне юмасьть кати коза

Темникав. П—Кецяду велеста сыне косот. Лама од ломатть йо райхть сувамс комсомолу, но синь организациясост "руководительне" аф шарфнихть сатомшка мяль тя шири.

Минь зняльдтыма комсомолонь райкомть инголе, штоба сон лез доль тейнек.

П. Пунин.

Аделавсь шашечнай турнирь

Аделавсь квалифицированный шашистсь Жигаловсь. конат кочнац ульсь организовандаф Ардатовань РайСФК-ть мархта. Турнирса примасть участие 8 инь цебарь шашистт. 1-це вастть сявозе од

шашистсь Жигаловсь. конат кочкась 6 очкат 7 возможнайхнень эзда. 2-3-4-це вастнень явозь эсь йотковаст Кулигин Ивлев, Поисов ялгатне, конат кочкасть 5-нь очка 7 возможнайхнень эзда. С.



14-це № школань инь цебарь ученицась Маркевич Гаясь. Сон примси инь активнай участия школаса сембе кружокнень эса, школьной эрь утренникса выступандакшни моронь и стихонь морафтомаса. Выставкати, кода посвящадакшневи комсомолонь 10-це с'ездти Гаясь аноклась сюреса с'ормань стазь лама вешат.

Снимкась: Гаясь с'ормадь (вышивает). Фотось П. Ивановть.

Ниньге сяда цебарьста карматама тонафнема

Саранск. 1-це № школань Анри Барбюсть лемса 1-це № пионеротрядсь аноклай казньет комсомолонь 10-це с'ездти. Пионерхне макссть обещание, што цебарьста кармайхть тонафнема, овладевандакшнемс знаниятнень мархта. Инголе п ли улемс тяфтама геройкс, кода и Стахановсь.

Пионерхне макссть обязательстват, штоба кафксть касфтомс, "отлично" и "хорошо" отметкатнень—тя главнайсь. Тьяда башка, Старостинть, Полдомасовть, Романовть и Карольковть руководстваснон вельде аноклайхть "Коробчатый змей", схематической 5 модельхть, фюзеляжнай модель и дирижаболень станциянь модель.

Рачков Колясь, Прокин Володась и Якубовский Володась рисовандайхть вождьтнень портретснон и всякай лапа рисункат.

Москвитин Костась, Леонтьевсь и Евсеенкось с'ормадыхть синць стихотвореният.

Калчин Шурась аноклай газетнай вырезкаста альбом-стахановешнень колга.

Юннатонь кружоксь аноклай гербариеень альбом.

Отрядсь обещандай ниньге сяда цебарьста тонафнемс и цебарьста ладямс воен о физкультурнай работать, сяда цебарьста тонадомс наукатнень основаснон, сяда вярй кеподемс дисциплинайт школаса. Тюремс чистой и рамотнайста с'ормадф тетраденкса.

Шура.

Цебарь казнье

Саранск. 23-це № пионеротрядонь пионерхне Зотовть руководстванц вельде тийсть буер (парус), комсомолонь 10-це с'ездти казньенди.

Тя казнье пяк интереснай. Алонза тийфть простой лыжат, вельксонза парус и кафга озамат. Буерть эса могут ардомс кафга ломатть. Пионерхне арнихть эсь парусснон лангса.

Л.

„СЧАСТЬЯНЬ ИДЕЯСЬ МОЛИ СССР-ТЬ ЭЗДА“

Французская компартия политбюроизм членок Жак ДЮКЛО-ть ФКП-нь с'ездса речетонза

„Од ломаттне—минь будуща еньке“—мярьгсь Жорессь. Однако капиталистическая странатень эса од ломаттень аш инголет будущайсна и тревога мархта ваны хть эсь сай пингень (дальнейшай) судьбаснон лангс.

Фкя текстильной фабрикаса Тур кузнца 13-15 кизоса од стирнятне фкя частонкса получайхть 1 франк 25 сантимт (40 трыоцникт). Шелковой фабрикаса стирнятне полу чайхть 90 сантимт частти. Бумажной фабрикаса Дулленца 13-кизоса стирнятне работнихть 12 нь частт шити, частти получайхть 1 франк 20 сантимт.

1936 кизонь бюджетса общественнай шумбра шить и физической воспитанить охрананцы ассигновкатыне, чрезвычайнай декреттень результатса, кирьфтафт 86 миллиотт франкас. Тя экономиясь йорай ва-ча шис лама и лама ломатт. Эр кизоня туберкулезсь саяоньди калму 16 тьожатт идыт и подросткат.

1933 кизонкса туберкуле ть эзда куломань красноречивай статистикась няфнесы, што тя урмать эзда кулость: 988 идыт—1 кизоса, 1.441—2-4 кизоса, 1.261—5—9 кизоса, 933—10—14 кизоса и 4.983 подросткат 15—19 кизоса.

Франциянь од ломаттне! Теенть эрви варжактомс социализмань великай странат лангс, коса минь од ялганеке аф содасазь—тинь страданияньтень, тинь пелемантень сяс, мес синь счастливайхть, сяс мес синь эряфсна шивалдокс чебар, и кайги вайгальса советской од ломаттне корхтайхть:

—Мольхтыма эряфть каршес (на-встречу), мольхтыма кельгомать каршес!

Тейнек, коммунисттеньди, аф эрви тяфтама режимсь, конанц максесыне минь од ломаннеконьди принудительнай трудонь лагерх-нень идеалонь эзейца и войнать перспективань эзейца.

Франциянь од ломаттне! Тинь ся-донь—сяда пашькодкшнесть ся батальенть, конац васеньцекс макссь возможность Парижти кулемс „Марселезать“ вайгальензон конац серьгядкшнесть кярьмодемс оружи-яти тиранттень каршес 1792 ки-зонь августь 10-це шинц пиньгста, мзярда ульсь йордаф мона хиясь.

Тинь уледе революциянь арялай-хнень васеньце рядсост марса аф оцю барабанщикт Жозеф Барр-ть мархта, конац куломстонза юва-дсь: „Шумбра улеза республикась! Тинь уледе монархиять каршес бойть централонза марса Жоземо Вияльт мархта, конанц шавозь, мзярда сон йорась кярюмс понтон-най седьть канатонзон, штоба аф максомс йотамс роялисттеньди лять туркс. Тинь уледе револю-ционнай армиятень эса седикс. Нят Рембо постть мархта мораф кядьтне ульсь конанц—конанц тинь эздонтт, сят кядьтне, конат:

„Ульсь бледнайхть и чудеснайхть

Ненавистьса заряжаф кельгомань шить (солнцать) ала.

Конат верендакшнесть пушкань дулатнень восставшай Парижть врагонзон каршес“.

Франциянь од ломаттне! Тинь уледе фкя инь чебарь од поколе-ниякс мирть эса. Прямодушиянте сочетандакшневи тинь эсононтт аф пелема шить мархта. Тинь ащетада минь странаньконь славнай боевой пролаенцы наследниакс, и минь конат тюрхтыма коммунизмать по-беданц инкса, вятсаксь сяда тов ся кить, конац аноклаф (намечен-най) сембе минь предшественнико-неонь мархта, минь тюрхтыма Марксонь—Энгельсонь—Ленинонь—Сталинонь знамяснон ала, конац сяксь мирть котоце пыхксонза. Минь, конат представляндакшнетяма

эсь эсонок од ломаттень и сембе ми-рть будущаенц, серьгядкшнестядыз тинь марс пуромом!

Франциянь од ломаттне, конат кельгсаз эсь родинаснон, лятфтасть мезе мярьгсь Сен Жюстсь, мзярда сон ульсь тяфтама жа од, кода и тинь: „Катк Европась содасы, што тинь сяда тов аф йоратада няемс фкя-вок несчастнай, фкявок угнетеннай французской модать лангсал. Сча-стьясь тя од идея Европаса“. Тя-ниень пингть счастьянь идеясь сай тейнек Советонь Странаста!

Франциянь од ломаттне, пуромк-шнеста марсал Единой седи мархта, единой энтузиазма мархта, эсь бу-дущаентеньди верондзъ, моледа кядень пешек эряфть сатома, сча-стьять сатома!

Подложновсь занязя васеньце вастть

Ковылкинань района аделавсь шахматно-шашечнай турнирсь. ко-нац ульсь организовандаф Рай-СФК-ть мархта. Турнирса примасть участие 13 шахматист и 8 ша-шист.

Шахматса васеньце вастть заня-зе, кода и учендовсь Подложнов ялгась, конац кочкась 11 очкат 12 возможнайхнень эзда. Омбоце вастть занязе Ильинць, конац кочкась 10 очкат 13 возможнайхнень эзда. 3-це вастть занязе Шапельсь, конац кочкась 9 очкат 12 возможнайхнень эзда.

Шашкаса налкочкаса 1-це вастть занязе Долговсь, кочкась 6 очкат 7 возможнайхнень эзда. 2-це вастть и 3-ть явозь эсь йотковаст Ионов и Руженцев ялгатне, конат коч-касть 5-нь очка 7 возможнайхнень эзда.

К.



Писатель Н. А. Островская ялгать те-ряц—Ольга Осиповна ульсь пригласи-диф рабочайхнень мархта Островская ял-гати Сочив строяви кудть васте и ванозе строямс ушедф кудть.

Снимкаса: Инженерсь Малышев ялгась няф-несы Ольга Осиповна кудонь строитель-ствань положений.

Фотось Горбаткеть (Союзфото)

Наказамс хулигантть

Зубу. Од Выселка велеса актив-най стирнясь Калашниковась пу-роптсь ликпункт, коза сьормадфть 35 стирнят и цьорат. Синь ули оцю мяльсна тонафнемс, машфтомс эсь шовда шиснон.

Но вов тя велети сась ликпунк-тонь заведующай Соколовсь. Соко-ловсь аф анычек аф работой лик-пунктса, но шорсь работати эсь пьянканц мархта.

Мзярда Калашниковась, кармась корхтама теенза, што аф эрви тиеньдемс безобразият, то Соко-ловсь грязязя Калашниковать: „Тевсь аф тонь. А кармат лама ве-шеньдема, то муйт“.

Тяни Соколовсь тяфтама жа гра-зямаса якай Калашниковать шири Мон.

Редакциять эзда. Зубунь ВЛКСМ-нь райкомти эрви сяда ку-рок расследовандомс тя тевь и материалть хулигантть и разгиль-дайт Соколовть колга проважамс судебнай органу.

К.

Ш О В Д А В Е С Т А КОЛМОЦЕ ДЕЙСТВИЯСЬ ВАСЕНЫЦЕ КАРТИНАСЬ

Колхозонь правление. Телефон. Шифт. Шрат. Стенатнень аса вон-дент портретт и планатт.

Сьонса—да, рана шовдава. Яш-аив. Фкя шрать ваксса ащи мили-ционер и мезе бди сьормады. Омбоце шрать ваксса молдаф нярьхть ащи Сеткинць.

Сеткинць.—(Неждесь телефон-най аппарати, шарофты ручка-ть эсь). Ах, шайтатне ваймоснон тар-кселезь ба! финц гадтне кярозь, а омбоншненьди вете кизот аф тие-ви. Кузьма!

Суавсь Кузьма

Сеткинць.—Тон арнеть штоли почтав?

Кузьма.—Кафксть арнень, Петр Иванович.

Сеткинць.—А мезень сюотть мль-ня ося тиенд-хть?

Кузьма.—Синь аф фкя вастста, Петр Иванович кярозь.

Сеткинць.—Аф фкя вастста, аф фкя вастста... И тонга тьса сторо-жат!.. С лаледязь чапаннек мезь-нек и афи марялить бс!.

Кузьма.—Д мон вдь Петр Ива-нович, путфан аф телефоннай стол батнень ванондом...

Кузьма лиссь.

Сеткинць.—(Якафты). Ах, черт.. Д кода тя тяфта мог лисемс?.. Звонийхть телефонца. Сеткинць неждесь аппарати.

Ну, да-да, йомлашис! Мес тьяш-кава ламос?... Шовдаль, шовдаль... Почта! Мусть тейне курукоця ГПУ-нь райоделть начальникоц! (Зво-ний). Альбо! Начальниксь?... А ку-нара тусь?

Милиционерсь.—Минь сон куче-мазь сей, а сонць тусь Никольс-каи, тоса вельсоветсь кундась каф-та бандитт.

Сеткинць.—Кузьма!

Суавсь Кузьма

Терьдьке сей Смиркинать.

Суавсь Смиркинась.

Кузьма. А вага и сонцьке сась.

Кузьма лиссь.

Сеткинць.—(Смиркинати). Тонь сембе пуромсть?

Смиркинась.—Аф, Ванькась аш

Сеткинць.—Суркинць?

Смиркинась. Да,

Сетк нив.—Эрви вешемс!

Смиркинась.—Минь якаме каф-ксть кудозост, корхтайхть, кодак-тусь пуромксу и оду ащезь гашен-да. Тярц аварьди, сюды комсомо-лецнень эса, корхтай кадсамасть идьфтеме.

Сеткинць.—Пади содань лoma-нень пяди удома тусь?

Смиркинась.—Д йотайнек сембе-содань ломанензон... Сон цьорась-ке аф стама, тяни ба ласьколь ни-ей..

Сеткинць.—А булга йоткова сон-аф содасак косоль?

Смиркинась.—Сон ащесь кенкш-ланга дежурнайкс и кодак матсь-толсь, мон сонь кучине лампанкса... И оду ашинай ний...

Сеткинць.—Ашина ний, ашина-ний. И тон нинге тьса шарондат!.. курукоця эрви вешемс! К-па алх-не ладняс эрви хть сюв лямс...

Мирш, тьстат! (Милиционерти) Ми-

ВИАРД

лиционер ялгась, арт тонга комсо-молечнень мархта.

Смиркинась и милиционерсь лиссь.

Сеткинць.—(Звоний телефонца).

Поч а, дай тейне райкомпартиянь секретар ть. Альбо! Калин ялгась?

Шумбрат. Корхтай Сеткинць. Тон-мось докладноезень получандайт?

Ну, кода ванат?.. А а?.. Д тя вдь-закон, коса классовой врагть лангс-сяда оржаста люпшайхть, тоса сон-сяда оржаста тюри.. Мезе?.. Ну-сянь ширьде, конешна, шляпатама-коли уш кулакне шалхалнок вя-тихть конгрессолоцион ай рабо-та, а минь синь улынек. А а?..

Д мон сьормадые докладноезень-эса Кулихинць тийсь доклад спло-шной коллективизациять колга. На-родга пьакламошь, пуромксь мольсь-пьяк пароста.. И, вот, матсь тольсь..

эстокиге кармасть уша ширьде кол-семост школань вахматнень.. Ш о-ла потмоса кие бди лиясь леворвер-са.. А сяда меле кеподсь стама бул-га, што.. А а?.. Толть матозе колхо-зонь счетоводсь, Львовсь.. Аф, ко-дамовок намеренияч сонь ашель, сон васенда кизефтьсь монь кядь-стон сардонят, монь ашельхть и-кармась лампать эзда цыгьранц-крывастеме.. Ну, конешна, варжамс-сон тожа эрви.. Д сон сяда меле-активна мархтонок ласьконьдсь-кулакнень ланга.. Черт содасы!..

Да, задержали, ниле ломать. Пот-ма велес а и эсь велестонк кота-кулак.. Купьхте, Калин ялгась!

Мон тейть сьормадонь, што жерт-ват аш. А монь исяконь илядьята-меле юмась ембеда активной ком-сомолецезе.. Вешеньдихть эсонза, но костонга аф мусазь.. А а? Мзяр-да саят?.. Иляденыдй. Учан эсог-Пока.

Повфтазе трубкач.

Пауза. Сценать фтала калдорф-тыхты. Можна?

Сеткинць.—Сувак!

Суавсь Львовсь. Шумбратксть Сет-кинць мархта

Сеткинць.—Мезе азат?

Львовсь.—Петр Иванович, ися-конь илядьята минь эсонок кошар-ды ваномо оржаният..

Сеткинць.—Ну и мезе кда?

Львовсь.—Велеванок якафтыхть-кодама-повсь аф содань ломатть..

Классовой врагсь аф улы.. Мон-вов кирден фкя ломань, тон вар-жака сонь..

Сеткинць.—А коста тон сонь-кирьдить?

Львовсь.—Кудрякс якафты. Кар-шек васьфтемань тонь Гаврюшка-це и корхтай, што суавсь пьлот-аф содань ава и кармась кялензон-эжнеме а сонць кизефни лама ли-ломань суавсь колхозу и ст. тов. Тейне Гаврюшкась мярьгсь эрви-тя ломань кирьдемс. Гаврюш-кась васенда йорась тейть лась-комда, но васьфтемань каршек-монь, сонць эряскады школав. Мон и цоп сонь.

(Пец моли)

Отв. редакторть полафтыец С. С. ЛАРИОНОВ

Уполномоченный главлита • 153

№ 505

Гирьж 2275

Сарафак тизаграфма „Мужики“ „Творь“ „Сорисина“